

住戒聞思修止觀

悟入聖諦修習

如是彼於緣起悟入，善修習已，

復於諸行如實了知：從眾緣生，

悟入無常：悟入諸行是無常故，
本無而有，有已散滅。

(悟入苦)：若是「本無而有，有已散滅」
即是生法、老法、病法、死法。

若是生法、老法、病法、死法，
即是其苦。

(悟入無我)：若是其苦，即是無我。

(無我)：不得自在，遠離宰主。

唯有諸法滋潤諸法

唯有諸法等潤諸法

唯有諸行引發諸行

而彼諸行，因所生故、緣所生故

本無而有，有已散滅

體是無常

是無常故，即是生法，老法，

病法，死法，愁、悴、悲、歎、

憂、苦、惱法，則名為苦

由是苦故，不得自在，其力羸劣

由是因緣，定無有我

如是名為：由無常、苦、空、無我行

悟入苦諦

又彼如是能正悟入：諸所有行眾緣生起，其性是苦，

如病、如癰，一切皆以「貪愛」為緣。

悟入集諦

又正悟入：即此能生眾苦貪愛，若無餘斷，

即是畢竟寂靜、微妙。

悟入滅諦

我若於此：如是了知、如是觀見、如是多住，

當於貪愛能無餘斷。

悟入道諦

悟入緣起：

依身緣觸，心分別生

由識執受，依緣先行

三際無知，而起流轉

生滅之想，分別變異

唯有諸行，唯有蘊名

唯事 唯名，當情者誰？